

Na sala de comisións “Otero Pedrayo” do pazo Parlamento de Galicia reúnese a Comisión 5ª, Sanidade, Política Social e Emprego, o día 6 de febreiro de 2025, ás 10:30 horas, logo da convocatoria remitida para o efecto.

Asisten as persoas que se relacionan a seguir:

**Mesa:**

Noelia Pérez López  
(Presidenta)  
Ethel María Vázquez Mourelle  
(Vicepresidenta)  
Iria Carreira Pazos  
(Secretaria)

**Vogais:**

**Grupo Parlamentario Popular de Galicia (P):**

María Encarnación Amigo Díaz  
Raquel Arias Rodríguez  
Victor Manuel Baladrón Lamas  
Nicole Grueira Fernández  
María Dolores Hermelo Piñeiro  
Argimiro Marnotes Fernández  
Cecilia Vázquez Suárez

**Grupo Parlamentario do Bloque Nacionalista Galego (BNG):**

Ariadna Fernández González  
María Montserrat Prado Cores  
Olalla Rodil Fernández  
Iago Suárez Fernández

**Grupo Parlamentario dos Socialistas de Galicia (S):**

María Elena Espinosa Mangana  
Silvia Longueira Castro

**Grupo Parlamentario Mixto (M):**

Armando Ojea Bouzo

**Outros intervenientes:**

Dona Paloma Castro Rey  
Don Ramón Tomás Fernández Alfonzo  
Dona María del Carmen Rodríguez Dacosta

**Letrada:**

Purificación López Gómez



A presidenta abre a sesión e rógalle á secretaria que lle dea lectura á relación de membros titulares da Comisión para os efectos de comprobar a existencia de quórum de constitución.

A Presidencia deixa constancia de que o deputado do G.P. Mixto, Armando Ojea Bouzo, lle trasladou a súa intención de incorporarse en breve á sesión.

A seguir éntrase no desenvolvemento da orde do día:

**Punto único.- Propositions non de lei**

- 1.1                    1711 (12/PNC-000204)**  
**Grupo Parlamentario do Bloque Nacionalista Galego**  
**Rodil Fernández, Olalla e Fernández González, Ariadna**  
**Sobre determinadas medidas que a Xunta de Galicia debe adoptar**  
**en relación co Servizo de Axuda no Fogar (SAF)**  
*Publicación da iniciativa, BOPG n.º 16f2, do 24.04.2024*

A Presidencia, previamente, comunica que a esta proposición non de lei presentouse unha emenda de substitución por parte do G.P. Popular de Galicia (doc. núm. 19432), da que obvia a súa lectura dado que se remitiu aos membros da comisión.

A **señora Rodil Fernández, Olalla (BNG)**, expón os motivos nos que se basea a proposición non de lei, ampliando os que se conteñen na súa presentación escrita e publicada no BOPG anteriormente subliñado.

Na rolda do grupo parlamentario emendante intervén a **señora Arias Rodríguez, Raquel (P)**, que expón as súas argumentacións a respecto da proposta formulada ao tempo que defende a emenda presentada polo seu grupo.

Na rolda de grupo parlamentario non emendante a **señora Longueira Castro, Silvia (S)**, xustifica o apoio do seu grupo á devandita proposta.

Na rolda de puntualizacións e posicionamento sobre a emenda presentada, a **señora Rodil Fernández, Olalla (BNG)**, agradece o apoio anunciado polo grupo da oposición, e propón unha transacción da que entrega copia ás voceiras e aos servizos da Cámara.

*Auséntase da sala a señora Longueira Castro, Silvia, e incorpórase á mesma a señora Rodríguez Dacosta, María del Carmen.*

- 1.2                    11759 (12/PNC-001116)**  
**Grupo Parlamentario Popular de Galicia**



**Amigo Díaz, María Encarnación e 8 máis**

**Sobre a demanda dirixida á Xunta de Galicia para que publique un modelo de gobernanza do espazo de datos do sistema sanitario galego co obxecto de mellorar a prestación de asistencia, investigación e innovación**

***Publicación da iniciativa, BOPG n.º 95f1, do 02.10.2024***

A Presidencia, previamente, comunica que a esta proposición non de lei presentouse unha emenda de adición de dous novos parágrafos por parte do G.P. dos Socialistas de Galicia (doc. núm. 19426), da que obvia a súa lectura dado que se remitiu aos membros da comisión.

A continuación concédelle a palabra á **señora Amigo Díaz, María Encarnación (P)**, quen pasa a expoñer os motivos polos que o seu grupo parlamentario presentou esta proposición non de lei, expresándose en termos semellantes aos que se conteñen na súa formulación escrita e publicada no Boletín Oficial do Parlamento

Na rolda do grupo parlamentario emendante intervén a **señora Espinosa Mangana, María Elena (S)**, para explicar o sentido da súa emenda, logo de amosar diversos desacordos coa intervención da proponente.

Na rolda de grupos parlamentarios non emendantes intervén a **señora Carreira Pazos, Iria (BNG)**, para poñer de relevo as diferentes razóns polas que non concorda con esta iniciativa de impulso.

*A Presidencia ocupa un escano co seu grupo parlamentario e pasa a ocupar o seu posto a vicepresidenta, señora Vázquez Mourelle, Ethel María.*

Na rolda de puntualizacións e posicionamento sobre a emenda presentada, a **señora Amigo Díaz, María Encarnación (P)**, tras incidir na importancia da iniciativa, explica as razóns polas que acepta emenda de engádegas.

**1.3 14065 (12/PNC-001372)**

**Grupo Parlamentario Popular de Galicia**

**Pérez López, Noelia e 8 máis**

**Sobre a demanda que a Xunta de Galicia debe dirixir ao Goberno central en relación co traspaso de fondos para o desenvolvemento de programas específicos de emprego**

***Publicación da iniciativa, BOPG n.º 115f2, do 13.11.2024***

A Presidencia, previamente, comunica que a esta proposición non de lei presentouse unha emenda de modificación por parte do G.P. dos Socialistas de Galicia (doc. núm. 19434), da que obvia a súa lectura dado que se remitiu aos membros da comisión.



Deseguido concédelle a palabra á **señora Pérez López, Noelia (P)**, quen pasa a dar conta das razóns que levaron ao seu grupo á presentación desta proposición non de lei, expresándose en termos semellantes aos que aparecen por escrito e publicados no Boletín Oficial do Parlamento.

*Auséntase da sala a señora Prado Cores, María Montserrat, e incorpórase á mesma o señor Fernández Alfonzo, Ramón Tomás.*

Na rolda de grupo parlamentario emendante a **señora Rodríguez Dacosta, María del Carmen (S)**, explica o sentido da súa emenda e, asemade, propón un texto transaccionado que inclúa como engádegas o texto proposto na emenda.

Na rolda de grupos parlamentarios non emendantes, intervén en primeiro lugar o **señor Fernández Alfonzo, Ramón Tomás (BNG)**, que expón as súas argumentacións a respecto da proposta formulada e anuncia que o seu grupo se vai abster na votación da mesma.

Na rolda de puntualizacións e posicionamento sobre a emenda presentada, a **señora Pérez López, Noelia (P)**, refire as razóns polas que non acepta a emenda do G.P. dos Socialistas de Galicia, logo de responder ás alegacións anteriores e incidir na importancia da iniciativa.

*Incorpórase á sala a señora Castro Rey, Paloma.*

**1.4            14889 (12/PNC-001455)**  
**Grupo Parlamentario dos Socialistas de Galicia**  
**Castro Rey, Paloma e 2 máis**  
**Sobre a demanda dirixida ao Goberno galego co obxecto de que**  
**garanta na Área Sanitaria de Pontevedra e O Salnés un servizo estable**  
**de logopedia**  
*Publicación da iniciativa, BOPG n.º 127, do 04.12.2024*

A Presidencia, previamente, comunica que a esta proposición non de lei presentouse unha emenda de adición dun novo parágrafo por parte do G.P. do Bloque Nacionalista Galego (documento número 19428), da que obvia a súa lectura dado que se repartiu copia aos distintos portavoces. *(Achégase a esta acta como anexo copia do citado documento).*

Deseguido concédelle a palabra á **señora Castro Rey, Paloma (S)**, quen procede á defensa e formulación desta proposición non de lei, ampliando as argumentacións expresadas por escrito e publicadas no Boletín anteriormente citado.



*Incorpórase de novo á sala a señora Prado Cores, María Montserrat, e auséntase o señor González Alfonzo, Ramón Tomás. Incorpórase, asemade, á sala o señor Ojea Bouzo, Armando.*

Na rolda do grupo parlamentario emendante intervén a **señora Prado Cores, María Montserrat (BNG)**, quen, logo de explicar o sentido da emenda, anuncia o voto favorable do seu grupo a esta proposta.

*A presidenta incorpórase ao seu posto na Mesa.*

Na rolda dos grupos parlamentarios non emendantes -o voceiro do G.P. Mixto non fai uso desta rolda- intervén a **señora Hermelo Piñeiro, María Dolores (P)**, expón as súas argumentacións a respecto da proposta formulada e motiva o voto en contra do grupo ao que representa.

Na rolda de puntualizacións e posicionamento sobre a emenda defendida a **señora Castro Rey, Paloma (S)**, lamenta a postura do grupo que apoia ao Goberno e fundamenta a non aceptación da emenda de adición.

**1.5**

**17608 (12/PNC-001645)**

**Grupo Parlamentario dos Socialistas de Galicia**

**Rodríguez Dacosta, María del Carmen e 2 máis**

**Sobre a demanda dirixida á Xunta de Galicia co fin de que habilite un espazo para que Ourense poida contar cun hospital de día infantoxuvenil**

***Publicación da iniciativa, BOPG n.º 145f2, do 27.01.2025***

A presidenta comunica que a esta proposición non de lei se presentaron dúas emendas unha de adición por parte do G.P. do Bloque Nacionalista Galego (doc. núm. 19429), e outra de substitución por parte do G.P. Popular de Galicia (doc. núm. 19431), das que obvia a súa lectura dado que se repartiu copia aos voceiros. *(Xúntase á acta copia dos ditos documentos).*

A seguir concédelle a palabra á **señora Rodríguez Dacosta, María del Carmen (S)**, que procede á defensa da iniciativa ampliando as argumentacións que se expoñen por escrito e que aparecen publicadas no Boletín anteriormente citado.

Na rolda dos grupos parlamentarios emendantes interveñen a **señora Carreira Pazos, Iria (BNG)** e a **señora Amigo Díaz, Amigo Díaz (P)**, para xustificar a presentación das emendas de referencia presentadas polos seus respectivos grupos.

Na rolda de grupos parlamentarios non emendantes intervén o **señor Ojea Bouzo (M)**, para posicionarse a favor da iniciativa.



Na rolda de puntualizacións a **señora Rodríguez Dacosta (S)**, logo de rebater moitos dos argumentos expostos anteriormente, explica as razóns polas que non acepta a emenda plantexada polo G.P. Popular de Galicia e acepta a emenda de adición *in fine* presentada polo G.P. do Bloque Nacionalista Galego.

e

**1.6 17843 (12/PNC-001658)**

**Grupo Parlamentario do Bloque Nacionalista Galego**

**Prado Cores, María Montserrat e 9 máis**

**Sobre as medidas que o Goberno galego debe levar a cabo para dotar a Área Sanitaria de Vigo dos recursos precisos para garantir unha atención de calidade na sanidade pública**

***Publicación iniciativa carácter urxencia, BOPG n.º 145f2, do 27.01.2025***

A Presidencia, previamente, comunica que a esta proposición non de lei presentouse unha emenda de modificación por parte do G.P. dos Socialistas de Galicia, (doc. núm. 19430 e corrección de erros no 19441), da que obvia a súa lectura dado que se repartiu copia aos distintos portavoces. (*Achégase a esta acta como anexo copia do citado documento*).

Deseguido concédelle a palabra á **señora Prado Cores, María Montserrat (BNG)**, que pasa a detallar os motivos que xustifican a presentación desta proposición non de lei ampliando os contidos na súa formulación escrita e publicada no Boletín Oficial do Parlamento.

Na rolda do grupo parlamentario emendante intervén a **señora Espinosa Mangana, María Elena (S)**, explica o sentido da emenda presentada polo seu grupo que modifica o punto 6 do texto resolutivo.

Na rolda dos grupos parlamentarios non emendantes -o voceiro do G.P. Mixto declina intervir- toma a palabra a **señora Amigo Díaz, María Encarnación (P)**, refire diversas discrepancias co que se demanda nesta iniciativa de impulso ao Goberno, polo que o seu grupo vai votar en contra da mesma.

Na rolda de puntualizacións e posicionamento sobre a emenda defendida a **señora Prado Cores, María Montserrat (BNG)**, logo de criticar a postura do grupo maioritario, explica que acepta a emenda do G.P. dos Socialistas de Galicia modificada na súa redacción orixinal segundo acordo acadado coa voceira emendante, co cal o punto 6 quedaría redactado do seguinte xeito: *“6. Reordenación asistencia da área de Vigo, coa construción dun Centro de Alta Resolución (CAR) coas especialidades máis demandadas pola poboación, no centro de Vigo, e outro no Morrazo, ao igual que a ampliación do Centro de Saúde de Cangas, e construción do do Hío. Así como rematar*



*canto antes e posta en marcha do Centro de Saúde de Moaña, con todos os servizos incluíndo as urxencias médicas.”.*

Rematado o debate, a Presidencia procede á votación das proposicións non de lei pola orde na que figuran na convocatoria:

**1.1 1611 (12/PNC-000204), do G.P. do Bloque Nacionalista Galego.** En relación coa proposta de transacción o G.P. Popular de Galicia non acepta a proposta de transacción, polo que se somete a votación o texto resolutivo orixinal, que resulta **rexeitado** por:

**Votos a favor:**..... 8 (GG.PP.BNG+S+M)

**Votos en contra:** ..... 9 (G.P.P)

**Abstencións:** ..... 0

**1.2 11759 (12/PNC-001116), do G.P. Popular de Galicia.** Sométese a votación o texto resolutivo orixinal coa engádegas do texto proposto na emenda do G.P. dos Socialistas de Galicia (núm. 19426), que resulta **aprobado** por:

**Votos a favor:**..... 12 (G.P.P+S)

**Votos en contra:** ..... 0

**Abstencións:** ..... 5 (G.P. BNG)

O texto aprobado é o seguinte:

*«O Parlamento de Galicia insta a Xunta de Galicia a publicar un modelo de gobernanza do espazo de datos do sistema sanitario galego que permita mellorar a prestación de asistencia, investigación e innovación.*

*O Parlamento de Galicia insta a Xunta de Galicia a colaborar co Goberno de España e as autoridades europeas, no desenvolvemento de todas as medidas que garantan a posta en marcha do Regulamento do Espazo Europeo de datos sanitarios, a súa confidencialidade e o servizo de interese xeral.*

*O Parlamento de Galicia insta a Xunta de Galicia a colaborar cos colexios profesionais de ámbito sanitario de Galicia, e as institucións educativas e investigadoras, así como todas aquelas que poidan estar afectadas polo desenvolvemento do dito Regulamento europeo.»*

**1.3 14065 (12/PNC-001372), do G.P. Popular de Galicia.** Sométese a votación o texto resolutivo orixinal, que resulta **aprobado** por:

**Votos a favor:**..... 10 (G.P.P+M)

**Votos en contra:** ..... 0

**Abstencións:** ..... 7 (GG.PP. BNG+S)



O texto aprobado é o seguinte:

*«O Parlamento de Galicia insta a Xunta de Galicia a dirixirse ao Goberno de España para reclamarlle os fondos necesarios que nos permitan poñer en marcha programas específicos de emprego a raíz do éxito dos proxectos piloto existentes na Comunidade galega.»*

**1.4 14889 (12/PNC-001455), do G.P. dos Socialistas de Galicia.** Sométese a votación o texto resolutivo orixinal, que resulta **rexeitado** por:

**Votos a favor:**..... 8 (GG.PP.BNG+S+M)

**Votos en contra:** ..... 9 (G.P.P)

**Abstencións:** ..... 0

**1.5 17608 (12/PNC-001645), do G.P. dos Socialistas de Galicia.** Sométese a votación o texto resolutivo orixinal coa engádegwqsa postulada na emenda do G.P. do Bloque Nacionalista Galego, que resulta **rexeitado** por:

**Votos a favor:**..... 8 (GG.PP.BNG+S+M)

**Votos en contra:** ..... 9 (G.P.P)

**Abstencións:** ..... 0

**1.6 17843 (12/PNC-001658), do G.P. do Bloque Nacionalista Galego.** Sométese a votación o texto transaccionado coa emenda do G.P. dos Socialistas de Galicia, no relativo ao Centro de Saúde de Moaña, que resulta **rexeitado** por:

**Votos a favor:**..... 8 (GG.PP.BNG+S+M)

**Votos en contra:** ..... 9 (G.P.P)

**Abstencións:** ..... 0

A Presidencia agradece a todos a súa presenza e levanta a sesión.

Remata a sesión ás 13:35 horas.

**V. e pr.**  
**Noelia Pérez López**  
**Presidenta da Comisión**

**Iria Carreira Pazos**  
**Secretaria da Comisión**